



FACTVM

Pour Maistre Iean Binet, Prieur de saint Crespin demandeur en reintegration & execution d'Arrest, & deffendeur en complainte pour raison du possessoire, & en requeste Civile & appellât, demandeur en restitution de fructs.

Contre Maistre Robert Tribouille deffendeur & demandeur & inshimé, & Charles Tribouille, & ledict Robert Tribouille deffendeurs & accusez, & ledict Charles Tribouille pris a partie.

LA question est de sçauoir, Chiron resignant mediat de Binet, ayant obtenu contradictoirement Arrest de maintenue pour le possessoire dudit Prieuré de saint Crespin Contre Liquet possesseur dudit Prieuré, & iceluy Arrest fait executer reellement & de fait: Si Robert Tribouille resignant dudit Liquet à deu apres par voye de fait, & violances de posseder, & spolier ledict Chiron resignant de Binet, & continuer, puis pretendre au tiltre dudit Prieuré par luy resigné & cede, & se retraindre, demander seulement audit Binet vne pension non cree en Cour de Rome & promise par Liquet audit Tribouille. Et si Charles Tribouille, qui a assisté ledit Robert esdites violances & spoliation, & fait les procédures à ses despens desdicts instances, n'est pas bien pris à partie solidairement pour la restitution desdicts fructs, depens dommages & interests desdictes instances.

En l'annee six cens quatre Robert Tribouille estant pourueu dudit Prieuré de saint Crespin, la mesme annee Liquet obtient vne provision par deuolut contre ledict Tribouille: instance de complainte pour le possessoire dudit Prieuré intantee par deuant le Seneschal d'Anjou par Liquet contre Tribouille, Liquet pour moyen de deuolut accuse Tribouille de simonie & fauceté commises au tiltre dudit Prieuré, & en vertu de iugement contradictoire Liquet fait faire information enqueste & preuve suffisante desdits crimes. Sur laquelle accusation & instance Robert Tribouille transige & cede à Liquet deuolutaire ledict Prieuré contentieux suyuant vne transaction & concordat du deuxiesme Ianuier six cens dix. Chiron, estant pourueu dudit Prieuré tant del ordinaire qu'en Cour de Rome par deuolut contre Liquet & autres, auroit formé cōplainte au Cōseil, & obtenu Arrest de maintenue le septiesme Octobre six cens vnz le quel Arrest est executé le quinziesme Mars six cens douze, Liquet trouué



2.
en possession est depossédé par Monsieur le Commissaire, qui met & instale Chiron en sa place. Le mois de Iuillet ensuiuant Robert & Charles Tribouille spolient, & chassent Chiron, enleuent les fruiçts dudit Prieuré avec force & violence, & continuent nonobstant les Arrests & defenses du Conseil, dont auroit esté informé par trois fois, & decretté adournement personnel contre lesdits Tribouilles & Jean Denys, lequel decret auroit esté executé, & sur ce instance criminelle. Et pour les premieres informations ayant esté ordonné par Arrest, que Robert Tribouille seroit appellé afin ciuile, Chiron auroit intanté instance de reintegrande contre ledict Tribouille, & iceluy Tribouille auroit formé complainte, soustenant que le Prieuré luy appartenoit: & Chiron auroit demandé que ledict arrest de maintenue donné Contre Liquet fust déclaré executoire Contre ledit Robert Tribouille resignant de Liquet. Sur lesquelles instances les parties auroient esté appoinçtees à escrire & produire. Chiron ayant resigné à Desuaux ledit Prieuré, & Desuaux à Binet, ledit Binet estant subrogé interuient en ladicte instance criminelle, & prend à partie solidaiement Charles Tribouille pour la restitutiō des fruiçts desdits dommages & interets desdictes instances. Ciuiles & Criminelles comme aussi auroit fait Chiron.

Refrenens de Robert Tribouille

Robert Tribouille dit, Qu'il auroit esté bié & canoniquement pourueu dudit Prieuré par la resignation de Micheleau, que Liquet deuolutaire ayant formé complainte contre luy pour le possessoire dudit Prieuré y auroit eu concordat entre eux; Par lequel Tribouille promet resigner à Liquet ledit Prieuré contentieux, comme il auroit esté fait, & Liquet auroit aussi promis bailler audit Tribouille vn autre benefice de cent cinquante liures de reuenu dans deux ans & demy, & cependant Liquet luy payeroit cent cinquante liures de pension: & que si Liquet ne luy bailloit ledit benefice dans lesdits deux ans & demy, que Tribouille rentreroit dans ledit Prieuré. Et que à faute que Liquet n'a satisfait audit Concordat; & baillé ledit benefice dans les deux ans & demy, Tribouille suyuant ledit Concordat seroit rentré dans ledict Prieuré. Qu'estant desnommé dans le deuolut de Chiron avec Liquet, neantmoins il n'auroit esté appellé en l'instance de complainte intantee par Chiron cōtre Liquet, cōbien qu'il fust la partie principale, ny n'auroit esté desnommé par ledit arrest de maintenue donné contre Liquet: & que pour ces raisons là il s'est pourueu par requelte ciuile contre ledict arrest. Depuis Tribouille s'est restrainct, disant auoir entré dans ledit Prieuré à faute de payement de ladite pension, offiant audit Binet qu'il veur entretenir ledit Concordat, luy payer ladite pension, & luy en faire expedier & deliurer vne signature de creation, qu'il luy consentira vn arrest de maintenue, sinon qu'il mainciendra, que ledit Prieuré luy appartient. Que Binet n'a que le droit de Liquet, qui estoit deuolutaire & ne pouoit posseder. Qu'il est necessaire, que ledit Binet reprenne les derniers errements de l'instance intantee à Angers contre Tribouille, s'il ne veut entretenir le Concordat fait sur icelle par Liquet. Que l'enqueste de Simonie & fauceté contre luy produite par Binet, & qui auoit esté faite à



la requeste de Liquet sur l'instance de complainte pendante à Angers n'est receüe: Qu'il fournisse de reproches contre les tesmoins d'icelle, qu'il n'est forclos de faire son enqueste: & que si Binet ne repréd ladite instance demàdele reiect de ladicte enqueste. Qu'il eust tousiours fait ledict concordat avec vn autre, qui luy eust baillé ladite pension: que Binet s'est serui du nō de Chiron son confidant.

Binet dira huit moyens premierement que Liquet s'estant fait pourueoir dudict Prieuré contentieux en Cour de Rome par deuolut contre Robert Tribouille, avec expression desdicts crimes de simonie & fauceté commis au tiltre dudict Prieuré par ledict Tribouille, auroit formé complainte des l'annee six cens quatre, & suyuant ledit deuolut auroit accusé le dict Tribouille d'auoir donné cinq cens escus de recompense pour le tiltre dudict Prieuré, & qu'il auoit interpolé vn nom imaginaire dans la procuration *ad resignandum*, sur laquelle il a esté pourueu, & que ladicte procuration est fauce. Desquels crimes Liquet en vertu de iugement contradictoire auroit fait faire enqueste & information prouuant amplement lesdicts crimes: Lequel proces en estat destre iugé Tribouille possesseur dudict Prieuré, & accusé scachant bien qu'il estoit coupable desdicts crimes, & s'en voyant conuaincu par ladicte preuue, & recognoissant qu'il n'auoit eu aucun droit audit Prieuré & qu'il en estoit incapable & punissable: en fraude de la condemnation imminente, & pour euitier l'infamie d'icelle, transige sur ladicte accusation le deuxiesme Ianuier six cens dix, & cede ledict Prieuré entre eux contentieux, & en baille la libre possession à Liquet deuolutaire & accusateur, qui entre en ionissance: partant Tribouille accusé, *pro confesso habetur l. furti §. pactus ff. de iis qui not. infam.* ou il est parlé de l'accusé alternatiuement, qui transige, ou cede, mais Tribouille a fait les deux, *confessi pro iudicatis habentur l. 1. c. 2. ff. de confes.* Or quāt a ladicte simonie audit tiltre, Tribouille est incapable dudict Prieuré & de tout autre, sa prouision nulle, & sans aucun effet, comme non aduenü, n'ayant iamais acquis aucun droit audit Prieuré il est tenu à la restitution de tous les fruiets, *Extrauag. cum de restabile, de simon.* Et pour ladite fauceté, il est aussi priué dudict Prieuré, *falsi nominis, vel cognominis asseueratio pœna falsi coercetur, l. vn. C. de nom. mut. l. falsi, ad leg. Corn. de fal. & la glose audit lieu dict, ob officio remouetur, c. ad falsariorum de crim. fal.*

Tribouille ayant donc ainsi confessé lesdicts crimes il a assez approuué & recogneu, que ladite information & enqueste estoit veritable, & que les tesmoins d'icelle estoient gens de bien: Et cinq ans apres ladite information, transaction, & confession, il n'est plus recepuable a vouloir donner auourd'huy des reproches contre les tesmoins de ladite enqueste: Qui seroit en effect reprédre les derniers erremens de ladite instance intantee a Angers par Liquet: & il est moins recepuable a faire aussi vne autre enqueste, n'y a faire reprendre ladite instance a Binet, qui n'estoit partie en icelle, n'y n'a le droit de Liquet, mais à lege d'auantage ladite instance est finie par ladite transaction & concordat, & par ledit Arrest de maintenü donné contre Liquet resignataire de Tribouille, & trouué

Moyens de Bi-
net.

I
Simonie fauce-
té adtilere con-
fessée.

Binet ne doit re-
prendre l'instā-
ce d'Angers ny
Tribouille don-
ner des repro-
ches contre les
tesmoins de l'en-
queste.

4

possédant ledit Prieuré, & si, depuis cinq ans ladite instance seroit perie. Tribouille le vingtquatriesme Mars dernier, auroit présenté requête au Conseil, que Binet eust a reprandre ladite instance, & par arrest ladite requête auroit esté ioincte au procez. Deuant donc que le Conseil ait ordonné, que Binet reprendra ladite instance, Tribouille n'a peu faire depuis vne production nouvelle de reproches contre les tesmoings de ladicte information, laquelle production doit estre reiectee. Encores que ladicte instance soit perie & finie par ladicte transaction, ladicte information est demeuree valable au greffe, *acta probatoria semper manent*, elle est publique, & permis à vn chacun de la leuer & s'en-aider contre ledict Tribouille.

Binet n'est deuolutaire mais pour se deffendre, par exception propose l'incapacité, & pour soutenir l'arrest.

Laquelle information Binet ne produit, non en qualité de deuolutaire, combien qu'il ait le droit de Chiron qui auoit esté pourueu par deuolut, mais cela est couuert par ledit Arrest de maintenue il produit le deuolut de Chiron pour soutenir ledict Arrest de maintenue. Et encores que Liquet fust deuolutaire contre Tribouille, cela est couuert aussi par ladicte transaction, & si Binet na le droit de Liquet, ny Chiron aussi ne la eu, ayât esté maintenu contre luy par Arrest & mis en possession: Tribouille apres venant à spolier ledit Chiron resignant de Binet, il n'est pas tenu pour possesseur, mais inuiste detenteur & depredateur, & puis venant à former complainte, ledit Binet maintenu par Arrest, deffendeur & tenu pour legitime possesseur, s'aide de ladite information *per modum exceptionis*, pour se deffendre & rendre ledit Tribouille non receuable a vouloir rentrer dans ledit Prieuré, & pour monstrier, que Tribouille estoit accusé en effet & chargé, & qu'il auoit transigé sur crimes & iceux confessez, & que *constabat* desdits crimes. Et qu'ayant ainsi transigé sur ledit crime de simonie & autres il est incapable de pouoir rentrer dans ledit Prieuré, quand mesme Binet luy voudroii accorder, *c. post translationem, de renunt.* Et si au iourd'uy de nouueau Binet vouloit former complainte, il ne seroit pas besoin de deuolut, d'autant que, *non ageretur de priuatione propter delictum, sed de nullitate collationis propter delictum, nec vacaret propter delictum, nec ex persona deliquentis, sed ex veteri vacatione*: sçauoir par la mort du precedent titulaire, par la mort duquel Chiron premierement auoit esté pourueu, Car le tiltre de tribouille estant nul pour lesdits crimes commis deuant iceluy, est réputé comme non aduenü: Autre chose seroit, si lesdits crimes estoient depuis. La cession dudit Prieuré (qui a esté affermé iudiciairement quatre cens dix liures) presentement reellement executée par Tribouille possesseur, & puissant au pays pour se maintenir, n'a pas esté faite en consideration de la promesse a luy faite d'en donner vn autre, ne vallant que cent cinquante liures, & dans deux ans & demys, par vn pauvre & simple Religieux, estranger & deuolutaire, qui n'en auoit & n'en pouoit auoir, (qui estoit vne grande perte pour Tribouille) & encores quicter le present pour l'aduenir, au dangar de ne rien auoir, Mais Tribouille *cessit benef. ium & recessit ab instantia*, non pour crainte d'une simple accusation & d'une information a faire desdits crimes, ains pour l'apprehension du iugement prest a donner sur les informations faictes.

Secondement Tribouille n'est receuable, car pour sortir de ladicte

accusation de simonie & fauconerie prouuee & confesse, il est encores tombé en mesmes & plus grands inconueniens, faisant vne transaction & concordat le deuxiesme Ianuier six cens dix, qui est simoniaque, & abusif: Tribouille promet resigner à Liquet, où a autre qu'il luy voudra nommer, ledict Prieuré de saint Crespin (ce qui auroit esté executé le mesme iour) Et que Liquet luy baillera aussi, ou à celuy qu'il luy voudra nommer, vn autre benefice de cent cinquante liures dans deux ans & demys, & cependant luy payera vne pareille somme de cent cinquante liures de pension. Et à faute de fournir ladicte recompense dans lesdits temps, que Tribouille rentrera dans ledit Prieuré. Liquet n'ayant point de benefice, il ne pouuoit promettre que celuy d'un tiers à vn tiers non contractant, Du Moulin reg. de infr. n. 158. Et 158. dict, que promettre faire pouruoir du benefice d'un tiers non contractant, que ce n'est vne permutation, mais vne autre conuention illicite & deffenduë en matiere beneficiale: Et qu'il n'est en la puissance du Pape demologuer vn tel concordat, & que c'est vne ouuerture aux regrez. La clause que de Tribouille rentrera dans ledict Prieuré, si Liquet dās deux ans & demys, ne bailloit audict Tribouille vn autre benefice de cent cinquante liures, est illicite, abusive, simoniaque, & deffenduë par les Canons & Conciles, du Moulin reg. de publ. n. 7. parlant d'icelle dict *cum actum sit, ut resignatio premiorum, vel non implente infra biennium* (Ainsi il ne fait pas de difference du regrez, & faculté de rentrer par le resignant, au cas que le resignataire meure ou n'accomplisse pas) *superstes recuperet beneficium, conuincitur vera reservatio, & verus recursus abusiuus, & intollerandus*, Car ce dict il, pendant lesdits deux ans, le benefice ne vacqueroit n'y par la mort du resignant, ny du resignataire, ny par incapacité, mariage, irregularité, ou autrement: Et qu'apres ledict temps, la mesme fraude se pourroit continuer, si le resignant ne decede ou ne veille poursuivre son resignataire. Si Tribouille fust decedé, où se fust marié, ou eust esté déclaré irregulier: Liquet possesseur dudit Prieuré, n'eust manqué de soutenir, que ledit Prieuré n'eust point vacqué, Tribouille ny ayant rien. Et Tribouille ayant veu l'instance de complainte intantee contre Liquet sur ses incapacitez, & clauses abusives & simoniaques dudit concordat, & l'Arrest de maintenue ensuiui contre luy, & executé reellement au profit de Chiron, à attendu quelques mois apres a s'emparer par viollece dudit Prieuré, & puis à dire, que ledit Prieuré n'appartenoit à Liquet, mais a luy: dans lequel il estoit rentré pour n'auoir esté baillé par Liquet dans deux & demys vn benefice de cent cinquante liures, & le mesme du Moulin reg. de infr. n. 15. parlant de ladite clause dict, *hac resignatio regressoria, est apud nos simplex, quia regressus vitatur, & non vitiat, quia abusiuus* Et de mesme Rebuffe, *et de reservat. sub, in prin. in concord. suyuant la maxime, vitale per inutile non vitatur, c. vitale de reg. iur.* Et le mesme du Moulin, continuant a parler de ladite clause de regrez dict, *licet non constet de admissione resignationis* (comme aussi la resignation de Tribouille n'auoit esté admise, neantmoins la libre possession baillée) *vacat beneficium per executionem simoniaci contractus, quod secum trahit abdicationem iuris & facti beneficii dimissi.* Et ledict du Moulin reg. de publ. n. 295. Propose vn pareil fait a celuy cy, & sem-

Concordat, & blable concordat, qui est emologué, ou les susdites clauses sont, que le resignataire baillera vn autre benefice au resignant dans deux ans, Et ce pendant proposee dant vne pension (qui auroit esté cree) Et qu'a faute de bailler ledit & decider par benefice dans ledit temps, que le resignant rentrera dans ledit benefice du Moul.

signe, ledit resignataire resigne a Titius: Procez meu par ledit premier resignant cōtre Titius, tant pour le payement de ladite pension, que pour rentrer dans ledit Prieuré a faute de payement d'icelle, & d'auoir fourni ledit benefice dans lesdits deux ans, du Moulin dict; *siue perat actor principaliter, siue incidenter beneficium sibi restitui, poterit reus ab abusu appellare a dicta clausula recursus dicti concordati, quia huiusmodi recursus non tolleratur in hoc regno, nisi in vera per mutatione: nec obstat, quod resignans titulum non amisit, quia primus resignatarius nihil acquisiuit e concordato abusu, quia a dicta clausula recessum est dimittendo realiter beneficium.* Et y a difference entre les deux susdits concordats aduantageux pour ledit Binet, car en celuy proposé par du Moulin, ledit premier resignant pensionnaire n'estoit point accusé de crimes, il s'estoit pourueu par action pour le payement de ladite pension, & pour rentrer dans ledit benefice resigné, & n'auoit spolié Titius possesseur, bien que resignataire, Ledit concordat estoit emologué, & la pension cree en Cour de Rome: Ce qui n'est point au concordat de Tribouille, lequel a receu le payement de ladite pension non cree qui est vne simonie *c. eum pridē, c. interuenit, de pact. c. ad audiendam 2. de rescrip.* Et si les pensions ne sont crees, est defendu a tous iuges d'y auoir aucun esgard par Arrest du Parlement de Paris premier Decembre mil cinq cens octante huit, ainsi Binet est bien fondé en l'appel, qu'il a interiecté des sentences, par lesquelles Liquet a esté condamné a payer ladicte pension, lesquelles poursuites & payement de ladicte pension demonstrent que Tribouille & Liquet n'ont pas fait simplement vn concordat simoniaque, mais qu'ils l'ont executé. Donc ledit prieuré a vacqué *per executionem simoniaci contractus*, comme il a esté déclaré par l'Arrest de maintenue donné contre Liquet resignataire de Tribouille, lequel Liquet auroit produit ledit concordat pour principal tiltre, en vertu duquel il possédoit, car il n'estoit auparavant que deuolutaire, & Chiron auroit soustenu que ledit concordat estoit simoniaque & que ledit Prieuré vacquoit par l'execution d'iceluy.

Pension non cree
simoniaque.

respondee a ce que
Tribouille dict
que la resignation
qu'il a faite
à Liquet estant
nulle que le Prieuré
luy doit retourner.

Et ne sert de dire, que la prouision & resignation faicte à Liquet par Tribouille estant nulle pour ladicte incapacité de simonie & autres crimes, qu'elle est comme non aduenüe, & que ledit Prieuré doit retourner audit Tribouille resignant, & que l'Arrest de maintenue donné contre Liquet ne luy scauroit preiudicier, n'estant nommé en iceluy. Mais Binet respōd, que ladicte resignation est nulle pour le regard dudit Liquet resignataire: & quant à Tribouille *uallere in praiudicium resignantis, & possessionem ab dicantibus, ut puniatur in quo deliquit, c. postulastis, de cler. excom.* Et vne resignatiō nulle, admise par celuy qui n'en auoit le pouuoir, & la possession bailliee, elle tient pour le regard du resignant, qui n'est plus receuable a demander a y rentrer *c. quod in dubijs, de renuntiationibus, in sexto, & ibi Baldus,*

Bald. & obtinet vim taciti pacti, ut non amplius quis repetat, cui renuntiandum putauit, c. quam periculosum 7. q. 1. Tribouille n'auoit pas plus de droit audit Prieuré, que Liquet: Lequel Prieuré vacquoit aussi bien sur Tribouille, que Liquet per executionem simoniaci contractus, comme dict est. Et du Moulin reg. de infir. n. 205. sur la question, si vn benefice resigné simonialement, pour auoir esté la resignation en faueur admise par le Legat, qui n'en auoit le pouuoir, est vacquant, & impetrable: il distingue au n. 206. Si le resignant est demeuré en possession, nihil actum est, nec vaccat: mais s'il a baillé la libre possession à son resignataire, comme Tribouille a fait à Liquet, que le benefice vacque per simoniam, & est impetrable, que ladite resignation est nulle & que le resignant ne scauroit plus rentrer dans ledict Prieuré nonobstant toutes les protestations. Et continuant dict que le Le resignant & pourueu de l'ordinaire, qui est Chiron resignant de Binet, qui liberas habet resignataire si- ades contra talem resignatarium nullum prorsus ius habentem, scauoir Liquet comoniaques sont: mme il a esté déclaré par ledit arrest de maintenue, non minus liberas habet Priuez, contra talem resignantem, scauoir Tribouille, qui non solum simoniam contra illud beneficium commisit, sed etiam illud de facto dimisit, & ad quod non potest amplius reuerti, & ledit du Moulin e ladite reg. de publ. n. 295. in fi. que la resignation estant nulle, le resignant ne rentre pas quia, dit-il, a dicta clausula recessum est, dimittendo realiter beneficium.

Tertio, Tribouille contractant avec Liquet, il cognoissoit & deuoit 3. cognoistre Liquet, pour estre incapable de tenir ledit Prieuré, lors dudit Tribouille ayât concordat & transaction, estant diffamé & chargé de crimes capitaux, cō resigné à Liquet me vol, assassin, sacriliges & violemens, desquels il n'estoit lors purgé (& incapable ne pour lesquels depuis il auroit esté conuaincu son procez fait & parfait, & scauroit rentrer ses benefices declarez vacquants par son Official; & le mesme Tribouille par sa derniere production nouvelle maintient ledit Liquet irregulier & faulx. Sur lesquels susdits crimes le tiltre dudit Liquet a esté déclaré nul par ledit arrest de maintenue donné au profit de Chiron. Et quand ledict concordat auroit esté en forme de permutatio vraye, apres auoir ice- luy Prieuré cédé, & baillé la libre possession à Liquet, qui lors estoit inca- pable, comme dit est, de recevoir ledit Prieuré, & la resignation nulle, il ne seroit plus receuable a vouloir rentrer dans iceluy, ny a demander celuy de cent cinquante liures promis par Liquet, suyuant l'opinion de la glose de la Pragmat. sanct. §. & quotiens est. de collat. in ver. alio, n. 5.

Quarto, Chiron resignant de Binet a esté par arrest contradictoire 4. maintenu audit Prieuré contre Liquet possesseur & resignataire de Tri- bouille, lequel arrest par l'ordonnance 39, art. 64. est executoire contre Tribouille resignant, & Binet a demandé que tel il fust déclaré, le quel liberas habet ades contra Liquet resignatarium nullum prorsus ius habentem, non Arrest de mai- minus liberas habet contra Tribouille resignantem. Et cest ce tenue donné cō- qui a esté cy dessus dict par du Moulin reg. de infir. n. 206. En l'instance tre Liquet resi- duquel arrest il n'estoit besoin de faire appeller ledit Tribouil- gnataire de Tri- le, bien que denommé dans le deuolut dudit Chiron: dautant que Tri- bouille est exe- bouille ayant resigné à Liquet, Chiron prenant possession trouua Liquet cutoire contre possédant, qui se seroit opposé en personé, & par sentence auroit esté main- Tribouille.

Cōtre la requē tenu contre Mercier : Laquelle possession de Liquet ledit Tribouille au-
steciuite fondee roit fort bien recogneuē & confirmee, faisant saisir ledit Prieuré sur Liquet,
sur ce que Tri- & luy faisant donner assignation pour voir ordonner qu'il rentreroit dans
bouille n'a esté ledit Prieuré deuant & pendant ladicte instance pendante au Conseil, &
appellé.

Lors que ledit arrest fust donné, & executé au veu & sceu de Tribouille, Li-
quet possedoit encores ledit Prieuré, comme l'on voit par le procez ver-
bal de l'execution d'iceluy : En laquelle instance ledit Chiron n'a deu ap-
peller Tribouille, car le resignant & resignataire ne peuuent estre parties
ensemble, ny ayant deux titulaires d'un mesme benefice, Liquet resigna-
taire ayant depossédé reellement ledit Tribouille, & iouissant, comme dict
est, Tribouille ne pouuoit plus posseder, *cum duo insolidum simul eandem
rem eodem momento, possidere non possint* : Tribouille n'ayant plus rien audit
Prieuré, en ayant esté ainsi depossédé par Liquet son resignataire, Chiron
ignorant les pretensions & pactes illicites & secrets de Tribouille, il n'a
deu appeller en ladite instance de complainte ledit Tribouille : Combien
que Liquet luy ait denoncée en iugement, Partant ledit Tribouille n'est
receuable en la requête ciuile contre ledit arrest de maintenue, estant
fondee sur ce qu'il n'auoit esté appelé en ladite instance, ny n'estoit nom-
mé dans ledit arrest.

*Intrus d'auoir
occupe le Pri-
euré par violēce
y trouuant vn
posseſſeur cōtre-
disant.*

Quinto Tribouille ayant donc trouué en possession du dit Prieuré ledit
Chiron en vertu d'un arrest de maintenue executé, & l'en ayant chassé,
spolié, & enleué les fruiçts par force, violence, avec blasphemes execra-
bles excedant mesme les officiers de la Iustice executans les arrests du Con-
seil, il est intrus & descheu de tout le droit par luy pretendu, quand mes-
me il ny auroit point eu d'autre violence, sinon que s'emparer dudit Pri-
euré, dans lequel il y auoit vn iuste posseſſeur contredisant, *c. eum qui, de
prab. in 6. c. cum ad hoc, c. cum iam dudum. de prab. l. eum qui ff. de eo qui mitt. in
posſ. l. si quis instantum C. unde vi.* Quelque pretexte & pretention que
Tribouille puisse auoir, il ne luy estoit permis s'emparer dudit Prieuré de
son authorité priuee, il deuoit se pouruoir par action, & obtenir iuge-
ment declaratif faire resoudre ledit concordat, & ordonner que Chiron
qui estoit vn tiers posseſſeur qui ceteroit ladite possession (si tant est qu'il y
eust esté receuable) *Rebus. lib. prax benefic. in 2. parte tit. de rer. permut. n. 16.
32. & 33.* Et encore moins Tribouille deuoit-il continuer ladite violante
possession au mespris des arrests & deffences du Conseil à luy faites.

6. *Sexto* Ledit Tribouille monstrant luy mesme qu'il se sentoit mal
fondé en ses pretensions illicites, appuyees de pactes simoniaques & abu-
il succombe luy lifs, & qu'à tort il s'estoit emparé dudit Prieuré & spolié Chiron & Binet,
mesme ausdites & n'estoit receuable ny a demander à Binet ledit Prieuré de cent cinquā-
instances & of- te liures promis par Liquet, ny a rentrer dans celui de saint Crespin par
fre de quiçter le luy resigné, il s'est departi desdites pretensions, offrant consentir audit
Prieuré se re- Binet vn arrest de maintenue, se reſtraignant a demander audit Binet vne
ſtraignant à vne signature de creation de pension de cent cinquante liures, sur ledit Prieuré.
pension.

Voilà donc les instances de reintegrande & de complainte vuidees, com-
me aussi la ctiminelle tant pour l'enleuement des fruiçts, qu'excez & vio-
lences commises. Tribouille demande ladite pension à Binet & les ar-

rerages d'icelle avec vne signature de creation, ce dit-il, en consequence du concordat fait entre ledict Tribouille & Liquet, comme Binet estant au lieu & droit dudit Liquet, & qu'a faute de luy accorder, qu'il soustien-dra que ledict Prieuré contentieux luy appartient. Mais quand ladicte pen-sion luy seroit deuë, que nō, il auroit eu tort de s'estre emparé dudit Prieu-ré, & d'auoir enleué les fruiçs d'iceluy affermez quatre cens dix liures, & fait tant d'excez & violence s pour cent cinquante liures de pension.

Septimo il ny a non plus, & moins d'apparence, que Tribouille soit rece-uable a demander audit Binet, en consequence dudit concordat, vn con-sentement de creation de pension de cent cinquante liures sur ledit Prieu-ré, luy en faire expedier vne signature & icelle deliurer: qu'à pretendre vn benefice de cēt cinquāte liures, ou le Regrez dans ledict Prieuré de saint Crespin. Binet n'est resignataire, ny n'a le droit de Tribouille, ny de Liquet qui est resignataire, ~~pour~~ Tribouille: les pensions ne s'accordent & ne se reçoient à Rome, que par le resignataire au resignant, Binet n'est nommé ny compris dans ledict concordat, *non tenetur ex pacto, neque ex fide, neque ex contractu*. Ledit concordat n'est émulogue en Cour de Rome, & ne le scau-roit estre, estant illicite: partant Tribouille ne scauroit rien demander en consequence d'iceluy: & neantmoins ce que Tribouille a executé en ver-tu d'iceluy ne peut estre par luy reuocque, *ueniens contra factum suum, non est audiendus*, comme d'auoir terminé ledict procez d'entre luy & Liquet, & cedé à iceluy Liquet ledit Prieuré. Ladicte pension promise par Liquet n'ayant esté cree en Cour de Rome, ny le concordat émulogue, d'autant qu'il est illicite, regardēt la personne de Liquet, sans realité. Liquet à peu promettre & sobliger à Tribouille au payement d'une pension pendant qu'il iouiroit dudit Prieuré sans l'approbation du superieur: & aucun d'eux n'a dict, ny entendu en contractant, icelle faire creer, & faire passer aux successeurs, ny en charger le benefice, car il estoit trop clair que Tri-bouille n'auoit rien audit Prieuré, & qu'un tiers n'eust pas voulu payer icelle pension, ny Tribouille n'a iamais demandé audit Liquet vne signa-ture de creation de pension pendant qu'il iouissoit dudit Prieuré esdict an-née, six cens dix & six cens vnze, seulement se seroit contenté de deman-der & faire payer le courant de ladicte pension durant la vie de Liquet. Et si Liquet possedoit encores aujourd'huy ledict Prieuré, & qu'il n'y eust point d'Arrest contre luy, & s'il auoit promis, que non, ladicte signature de creation de pension par ledit concordat, Tribouille ne seroit plus rece-uable à la demander maintenant, il faudroit qu'il eust droit audit Prieuré, mais il n'y en a plus, en ayant baillé la libre possession audit Liquet des Ianuier six cens dix: laquelle possession Tribouille ne deuoit bailler, que premierement il n'eust vne signature de creation de pension, s'il eust eu volonté d'en auoir vne, & eust esté promise: & par ladicte libre tradition de possession il se seroit départi de pouuoir demander ladicte signature, si elle auoit esté promise, du Regrez & pouuoir de rentrer dans ledict Prieu-ré de saint Crespin, & des autres conditions portees par ledict concordat comme dict du Moullin *reg. de publ. n. 295.*

7.
pension non deuë.

De ualoir soustenir qu'a faute de payement de ladicte pension & de

Tribouille ne fournir ladicte signature par Biner, que ledict *Tribouille* doit rentrer dans
peut rentrer a ledict Prieuré, il n'est equitable ladicte pension n'est non plus duee par Bi-
laure de ladicte netaudit *Tribouille*, que le Prieure cōtentieux, auquel ledit *Tribouille* ne
pension. peut plus rentrer l'ayant cedé pour crimes de faucon & simonie, commis
 au tiltre d'iceluy, & par luy cōfessé, à cause desquels il n'a iamais acquis au-
 cū droit, & est tenu à la restitutio, & est incapable de to^r autres benefices,
 & ledit Prieuré auroit vacqué par l'exécution d'un concordat simoniaque
 & abusif, qui demeure pour vne simple resignation & cession dudit prieu-
 ré: les clauses & conditions susdictes abusives & illicites, sont tenues pour
 inutiles & non apposees, sçauoir le regrez, & ladicte pension simoniaque,
 & à quoy auroit esté renoncé par la tradition de la libre possession dudit
 prieuré à Liquet, & *Tribouille* ayant baillé & cedé actuellement ledict
 prieuré à Liquet, qu'il sçauoit incapable de l'accepter, quand c'eust esté
 mesme par forme de vraye permutation, il ne peut plus y rentrer. Il y a Ar-
 rest de maintenue donné contre Liquet possesseur, & resignataire de Tri-
 bouille tant pour les incapacitez precedentes le tiltre, que pour la simonie
 commise en iceluy, entre luy & *Tribouille*, lequel arrest est executoire
 contre *Tribouille* resignant. Le susdit concordat simoniaque, sur lequel
Tribouille fonde ses demandes & pretensions, est personnel, fait avec
 Liquet, auquel il se faut adresser. Et si ledit concordat ne porte pas que
 ladite pension sera cree en Cour de Rome, ny que Liquet en fournira vne
 signature de creation. Et encores moins est dict, qu'à faute de payer icelle,
Tribouille rentrera dans ledit Prieuré: & quand y auroit clause expresse
 du Moulin dict reg. de publ. n. 276. *quod clausula de resoluenda pensione, & re-*
uertendo ad beneficium resignatum ob non solutionem pensionis, nulla sunt & abusi-
ua, quia sunt species reservationis, siue recursus per decreta conciliaria generaliter &
indistincte damnati. Et Chopin lib. 3. de sacr. pol. tit. 2. n. 16. dict que ladicte
 clause *non vitiat Sacerdotij esurrationem, sed quasi illicite adiecta sit, pro non adiecta*
habetur. *Tribouille* en quelque façon qu'il vueille prendre, a eu tort de
 s'estre emparé de son autorité priuee dudit Prieuré affermé quatre cent
 dix liures, pour le payement d'une pretendue pension de cent cinquante li-
 ures, simoniaque & non cree, & d'auoir continué son occupation & com-
 mis plusieurs excez.

8

Postremo, Ledit Prieure ayant esté recompensé du prix prouenu de la
Confiance de vendition d'une maison appartenante en partie à Charles *Tribouille*, c'e-
Robert pour stoit a condition que ledit Charles *Tribouille* en receuroit les fruits, &
Charles Tri- que Robert *Tribouille* ne feroit que luy prester son nom, comme l'on
bouille. voit, que ledit Charles a poursuiui en son nom propre le payement de la-
 dite pretendue pension en iugement, que luy mesme a leué, & fait leuer
 avec violence, & conduire en sa maison par ses gens les fruits dudit Prieu-
 ré, ainsi qu'il a confessé & reconnu par le huitiesme article de son interro-
 gatoire. Et ledit Robert *Tribouille* par plusieurs requestes sur ladite instā-
 ce de complainte auroit reconnu que ledict Charles *Tribouille* auoit part
 & interest audit Prieuré, le faisant parler comme titulaire: ce que ledict
 Charles *Tribouille* par icelles a aussi confirme les ayant signeez impudem-
 ment, vne partie en l'absence dudit Robert, & les autres en presence, &

avec ledit Robert, fait toutes les procédures à ses depens, ledit Robert ou plustost ledit Charles Tribouille ne se seroit pas contenté de molester ledit Binet soubz le nom dudit Robert, mais auroit suscité vn nommé Denys, qui fait les affaires desdits Tribouilles, & auroit aidé à enleuer les fruiçts dudit Prieuré, & à excéder le Sergent signifiant les arrests du Conseil, & auroit esté decreté contre eux trois : ledit Denis se disant Procureur de Iean Mercier, nom supposé & imaginaire, se seroit opposé à la prise de possession dudit Binet avec ledit Robert Tribouille, & ayant esté appelé en cōplainte, Maistre Pierre Mignot Procureur desdits Tribouilles occupe pour ledit Mercier, ose demander delay pour communiquer les tiltres dudit Mercier & Tribouille conioinctement. Mais en fin Mignot voyant que Tribouille, qui l'auoit chargé de l'assignation, ne pouuoit luy faire auoir vne procuracion dudit Mercier, qui est vn nom imaginaire, auroit déclaré n'auoir aucune charge dudit Mercier, & laissé donner défaut contre luy. Par lequel euenement l'on descouure la fraude dudit Tribouille qui se seruoit dudit Mercier.

Et d'autant que ledit Robert Tribouille est vn pauvre cadet, qui n'a rien à perdre, & que hardiment Charles Tribouille prend & enleue les fruiçts dudit Prieuré, & luy mesme à fait les procédures desdicts instances sous le nom dudit Robert, & de Mercier, & à mis en grands fraiz ledit Binet, iceluy Binet pour sa seureté a esté contraint de prendre à partie ledit Charles Tribouille, pour la restitution desdicts fruiçts depens, dommages & interests desdites instances ciuiles & criminelles. Et ne sert de dire que Charles ayant esté esleu curateur dudit Robert Tribouille en six cens neuf il a deu faire lesdicts procédures & assister ledit Robert Tribouille, car par lesdicts actes il n'est fait mention de ladicte qualité de curateur, il y a lōg temps qu'il ne l'est plus aussi, *et in beneficalibus et spiritualibus* il n'y a point de minorité, l'on est tenu pour majeur *c. f. de iudic. in 6. gl. in c. exparte, in ver. quamuis minor, de restit. spol.* ce que ledit Charles en a fait ce n'a point esté *ratione sanguinis*, mais pour son interest & profit particulier & pour les raisons cy dessus dites, iceux fruiçts n'ont esté enleuez, que par vol, spoliacion, violances & excez, desquels crimes poursuuius criminellement il n'y a point d'adueu, & quand ledit Charles Tribouille, qui a conduit toute l'affaire, ne seroit point pris à partie, estant coupable desdicts crimes, cōmis avec ledit Robert, ayant cōfessé par le huitiesme article de son interrogatoire, qu'en leuant les fruiçts dudit Prieuré, il auoit tousiours assisté ledit Robert, il est tousiours tenu par corps à la restitution desdict fruiçts solidairement, vn seul pour le tout, sans diuision *l. multi ff. de public. l. item mella §. sed et si seruuum, ad leg. Aquil.* & mesme pour les amandes, iugé par Arrest du parlement de Paris du vingt sixiesme Iuin mil cinq cens six pour Iean Puy cōtre Anthoine Louvain & consors.

Charles Tribouille pris à partie.

Monsieur Seuin Sr. de Myramion Rapporteur.



